

嶠函古县志辑汇

晚清（附民国）卷

中共三门峡市委党史地方史志办公室 整理

中州古籍出版社

晚清(附民国)卷

崤函古县志辑汇

中共三门峡市委党史地方史志办公室 整理

整理人 吉拴午 张怀银 牛富江

中州古籍出版社

图书在版编目 (CIP) 数据

崤函古县志辑汇: 影印本. 晚清 (附民国) 卷 / 中共三门峡市委党史地方史志办公室编. — 郑州: 中州古籍出版社, 2010.12

ISBN 978-7-5348-3137-9

I. ①崤… II. ①中… III. ①县—地方志—三门峡市—清后期②县—地方志—三门峡市—民国 IV. ①K296.14

中国版本图书馆 CIP 数据核字 (2010) 第 223778 号

责任编辑: 王小方

责任校对: 孙 波

出版社: 中州古籍出版社

(地址: 郑州市经五路 66 号 邮政编码: 450002)

发行单位: 新华书店

承印单位: 三门峡日报印刷厂

开本: 889mm×1194mm

1/16

印张: 85

字数: 1318 千字

印数: 1—1000 册

版次: 2010 年 12 月第 1 版

印次: 2010 年 12 月第 1 次印刷

定价: 860.00 元

本书如有印装质量问题, 由承印厂负责调换

整理说明

●整理旧志是地方史志部门的一项工作职责，中共三门峡市委党史地方史志办公室计划系列出版明、清至民国间旧志。

●《崤函古县志辑汇·晚清（附民国）卷》由一部清光绪版县志、四部民国版县志结集而成，是三门峡市首次系统整理的旧志。

●本卷系影印而成。

●本卷整理原则是保持旧志原貌，缩小版面，并四为一，不予编辑。

●在整理出版过程中，基于个别页码的局部或某些字湮没剥蚀，仅作技术处理。

嶺南古縣志輯匯

晚清(附民國)卷

中華民國二十五年十二月

陝縣志

歐陽玠署



(共二十六卷)

卷目

《澠池县志》	 (一)
《陝县志》	 (二二五)
《灵宝县志》	 (四七九)
《新修閿乡县志》	 (七八九)
《卢氏县志》	 (一〇二七)

陝縣志

序

余少治兵家言尤喜考求地理之學所謂辨區域徵因革知要害察風土匪獨研鑽郡縣之志書而舟車所至亦必覽其城郭關津與夫山川險要默識一攻守之境於胸中抑豈性近使然歟曾不自意也在昔從軍入秦道經陝州南而乾山北臨大河東有散陵之險西有函谷之固秦晉七十年之戰爭於是乎著頗嘆晉之所以西向制秦而扼其咽喉者亦憑恃先有此天險耳其後治軍山西每過茅津輒低回留連於砥柱潯聲硤石鳥道猶然不勝其思古之情蓋驗諸曩時勃然依違乎紙上者益覺親切而有味焉近者十年兼綜省政稽事考俗鑒往知來更有資乎該治精確之方志故於網羅放失及時纂輯之舉尤惓惓視為要途綏遠初未有志附屬晉志之中創修之而未逮晉志之續修晉躬與發其凡矣而冀豫二志且幸得觀其厥成此差可慰情者也夫甄綜排比省志粗具崖略而已求其淹貫精詳尤在各縣之志亦體例然也是以纂修省志必徵集郡縣之志而纂修一統志必徵集省郡縣志蓋其為書展轉因襲加以剪削而後成試一按其蒐討點竄之迹不難得其根抵矣是故各縣之能及時修其志書固為余中心所期望者也陝縣志之

待修已歷四十餘年矣運會推移變更較前代為鉅其證今訂古有待夫商榷權度者亦衆盛矣乃能於十一月中重修歲事得謂之勇猛精進乎哉余雖未獲見其原稿而讀其凡例固已刪汰舊文別增新事是能隨時代為進化者實已有愜於余懷至其紀事核實纂言會精大抵可揣而知也嘗謂方志一書吾國信為特出舉凡體國經野正名辨物考俗施治彰淑懲惡莫不燦然具陳其於國計民生政治教化人心風俗嚮往開來所關者至大而敘述山川城郭關津要害險阻形勝供兵家之考鏡者不過其一端也憶先太僕序萬歷會稽志有曰一國者一邑之積也知所以治一邑則知所以治一國矣又曰志者政之紀也教之軌也審於斯二者則於治幾矣陝縣在清代為直隸州轄有三縣今制為縣由十一區行政督察專員領之都昌歐陽君蒞事三載人和政通百廢俱舉所屬六縣承流宣化類能有所振作亦可謂知所以治一邑而治一區矣今於親民察吏之餘獨具遠識瞭然於政紀教軌之所在而於所領之縣首開館修其志書且熱忱毅力早日報成一瀾往往時綿亘歲月坐糜膏火之弊於以見其監修之名非徒擁也書將付梓乞序於余余嘉其有合於先太僕之言略述治兵從政之有資乎方志者如此庶幾其他各縣尊重斯事繼陝縣之後而有所興起云中華民國廿有五年十月十日紹興商震序

陝縣志

序

縣志所以備國史取材周官外史氏掌四方之志孔子作春秋觀于百國實書由來綦重矣故法貴謹嚴詞尚雅馴柳子曰參之太史以著其潔章氏曰志者志也其事其文之外蓋有義焉近世作者衆矣率多簡陋相沿難垂典則而繁猥龐雜或不能無識焉則不諳史法之故也往者余主河南省政檢閱通志則猶清乾隆時書也而各縣百餘年來文獻之徵亦缺焉未備于是籌設通志館于開封復依部頒章則訂定各縣修志概要通飭遵行蓋所以繼述前修昭示來茲也今歲丙子陝縣志成專員歐陽君珍請余為之序考陝縣舊為周召分治之所據關河之肘腋扼秦豫之襟要崤函之固號為天險所謂秦得百二者也春秋晉敗秦師與漢唐以來攻守戰伐之跡往往在焉大抵由秦隴以出關東與自中原以進三秦皆以崤函為咽喉之地先至者勝後至者敗不能易也故歷代皆擇博大通方威信幹濟之才以鎮撫其地若唐之李泌崔郾宋之寇準范祖禹其尤著者也陝舊為州靈寶閿鄉盧氏之縣屬焉民國肇建始改為縣斯志改縣後創作也余未覽其全書未知其於古之史法何如然觀其志例大體依修志概要歐陽專員通瞻明達治理吾

知其亦必能斟酌今古柳子所謂參之太史章氏所謂文外之義者將于是乎在後之來者不必旁詢博訪一展卷舉凡政教風俗農田水利設施之宜因革法戒之要莫不條分理晰其為利豈淺渺哉余嘗巡視至縣覽其山川形勢之勝三門疏鑿之跡慨然想夫古今治亂之機與化俗宜民之道時進長而切究之今者輪軌橫度災患頻仍崤函之險要盡失民生之凋殘殊甚撫斯土者將如何生息教訓振興民氣繕完守備整頓國防以為國家屏藩之寄乎周召之治遠矣而唐宋以來如李崔寇范之休烈咸具于篇蓋班班也是又余之所厚望也已中華民國二十五年十月吉安劉峙序





陝縣志

序言

●二二六

陝縣志

序

昔夏禹錫九鼎誌各州之方物周禮夏官有職方氏實爲後世郡邑志乘之濫觴其所以正疆域明山川識古今之盛衰觀人文之隆替以爲興革損益之措施而備國史之取材誠一方之文獻纂闡重要者也宋儒朱攸亭每到官必以修志爲先蓋彰往勸來正人心以正風俗攷古鑑今俾取法改善有所張本豈特發揚盛事而已哉陝爲召南舊治宏農古郡化行俗美人文蔚興而邑之有志則始于明季廢清之代數經修輯順治十五年州守吳世英從郡志內葺萃成編略而不詳乾隆十二年州牧龔崧林編纂直隸州志轄縣統載堪爲鉅製光緒十六年知州趙希曾重加修纂南海黃璣踵成其事又增續志十卷自此而後垂四十年未再編修其間經政體之改革學校之設立與夫鐵之西駛兵戎之頻興差徭之繁重民生之艱困變遷多端在在皆有記載之必要以爲施政者正本清源因地制宜興利除弊之資其修志之急而且要非同以前之墨守成規無大更張可比矧值此國難嚴重時期啟迪民智訓練團結以捍禦外侮增加生產復興農村以充實國力張四維以培養道德勸節約以敦厚風俗尤非著爲箴規行之永久俾潛移默化一道

同風不爲功且陝既由州而縣其修志之體例又當別論較之以前繁而且難更無待言喻余于癸酉秋奉命兼攝縣篆下車後詢民生之疾苦見地方之凋弊時值災荒之餘悉呈紊亂之象披閱舊日之志乘訪覽召伯之遺蹟今非昔比良用黯然于是先軍事以奠安社會繼建設以充裕民生謀文化之丕振風俗之改良即以興學勸教端正士習爲先務而後從事于編纂縣志先是地方已有縣志館之設多年編修因人材與經費種種關係未克歲事余以軍務旁午之際地方無力籌款暫令停擱越兩稔乙亥秋復召集地方人士籌募款項重新設立縣志局委用張以謙麻安邦兩君主理局事聘請韓合卿王夢魚兩先生爲總編輯分委各組主任及各區採訪着手纂修依照省通志館頒發志目草案新開體例語不泥舊事惟求實余復詳加審核正其疵謬凡十有一月而脫稿用付梓以公諸世於以覽古今之治亂得失風俗之醇厚澆漓表彰先賢以勵來者而爲興利除弊之資端本清源之施後之蒞斯土者振興而化導之庶幾召南遺風猶有再見是不能不厚望也已中華民國二十五年八月都昌歐陽珍識

陝縣志

序

陝縣故宏農郡魏太和間始置州元明隸河南府清雍正初始升爲直隸州轄靈陶盧三縣而陝之有志明以前無可考清順治十五年知州吳世英創修州志乾隆十二年知州龔崧林纂修直隸州志所轄三縣附焉同治間州牧周仁壽曾增輯之僅本軍興以後採訪忠義節烈諸士女爲一編光緒十六年州牧趙希曾纂修未及成而以憂去官繼任孔廣聰重加採輯成書十有五卷垂成又受代去繼任南海黃璣實踵成之黃牧又修續志十卷迄今四十餘年未再纂修民國二十四年夏紫亭歐陽專員蒞任兩載詰好除暴地方救平復盡力於建設事業修建城南門外澗河橋梁人咸稱便當此承平無事之秋公遂倡議重新纂修縣志首由地方士紳組織縣志籌備委員會向各區及商會募捐洋壹萬元經三月之籌劃編輯及採訪人員均聘委齊全遂於斯年八月一日專員蒞任二週紀念且澗河橋落成典禮之正式成立縣志局開始採訪着手編纂安邦學識謝陋謬承歐公知遇之隆地方人士推戴之意奈膺局事端端有所不安顧開辦伊始一面由採訪員分途調查一面由各編輯着手整理其時總編輯韓君合卿兼任省國學專修館教授

未克返局由副總編輯王夢魚偕主任郭雲樵辛君實負責編纂按照省通志館頒佈各縣志目草案斟酌損益另開體例整理舊志加以增刪依類列入越六月而韓總編輯實行任事共同工作凡十有一月而脫稿都爲二十六卷分爲二十二門用付印刷以公諸世自維愚拙督理無方無以奏事半功倍之效幸荷歐公指示之勤與夫編輯諸君高明之助未至折足覆餗得免愆尤是所堪以告慰者也書既成遂叙修志之顛末并其端他若藻飾矜麗之辭以炫於人非惟不能爲且亦不敢爲也民國二十五年七月麻安邦序於陝縣縣志局

陝縣志

序

陝志自清光緒庚寅纂脩後迄今四十餘年其間政體改革甲子以還兵戎頻興地方多事災祲蹂躪學載道種種慘狀不有記載將湮沒無傳且舊志散佚每搜求一閱而亦不可得則疆界不分山川不明良吏之政績無考賢人之軼事失傳所以考古鏡今彰往勵來又將何以取資矧志爲一方之文獻其宜起而脩輯之凡屬地方人士均已早具同心矣惟是年來多故舉辦不易專員歐陽公於癸酉秋蒞任首先勘定積年不可遏之禍亂數月之間地方秩序安民斯安居繼則大事建設百廢俱舉利爲之興弊爲之除人民知有禮義之教士子得聞絃歌之聲安輯之餘倡議纂脩縣志當由全縣各區及商會籌募款洋萬元於乙亥八月設局編脩以謙學識之無才同伏獵謬承歐陽公委畀兼理局事中心惴惴頗不自安辭不獲命勉作馮婦幸荷歐陽公之指導及諸編纂之力助得以伴食中書坐觀厥成以向同地方人士屬望之意而今如願以償其爲幸也多矣安敢居毫末之勞乎丙子七月某既脫抱呈歐陽公審正越三月始付印遂以成書乃贅詞以弁其端用誌始末民國丙子十二月張以謙識

陝縣志

序

陝志自清光緒十八年趙黃兩志修成後迄今四十餘年其間經政體之改革時勢之變遷人事之演進電光石火轉眼皆爲陳迹不有記載何以垂後而鏡遠乙亥夏紫亭歐陽專員蒞任兩載既以軍事而安靖地方復以政治而化育黎庶百廢俱興絃歌遍誦始倡議纂脩縣志委豐以編輯重任辭不獲命勉學製錦時閭邑韓君合卿斷輪老手任總編輯之責幸有所倚適留汴未返不得不轉喜爲憂官人晴馬縱深淵之不臨何正路之由得爰商承麻慰若張益齋兩局長計劃進行並借邑名士郭雲樵辛君實着手纂編整理舊志割剔三屬加以增刪參考廿四史以記載大事以補充人物採取山海經水經注以明山川之位置與古蹟之真實金石必經摺拓藝文必有著述至普通之碑碣短篇之詩文則分別列於詩徵文徵之內人物列女生前不載蓋棺而後論定選舉科目斷自中等以上學校畢業其他民財建教實業交通本諸省通志館頒佈各縣志目草案分門羅列苟有可書不辭繁碎越六閱月而韓君返總理其成計成書二十六卷別爲八冊凡十有一月而歲事歐公復命豐詳加釐訂補闕拾遺多所更正抱呈審定用付梨梨以行諸世自

維才短穢線用乏鉛刀謬承付託之重夙夜惕勵惟恐阻越幸荷歐公勤加指示局中人共加研討因人成事何敢掩過以自炫乎第以時間未久詢訪難周滄海或竟遺珠掛一容許漏萬後之君子增益而修明之是所厚望也夫
民國二十五年暑月陝縣教育局長王樂豐序

陝縣志

叙

莊周曰飾小說以干縣令餘杭章炳麟以爲史之所記大者爲春秋細者爲小說管子曰春秋者所以記成敗也行者道民之利害也以其掌之行人故謂之行漢書藝文志所載周考周紀周說諸書皆輶軒之使采之郡國閭里而記之而青史子五十七篇本古史官記事書以其事叢瑣非王朝之要故劉班著錄不與國語同隸于春秋而列于小說家隋書經籍志小說家敘錄稱周官誦訓掌道方志以詔觀事道方志以詔辟忌以知地俗職方氏掌道四方之政事與其上下之志誦四方之傳道而觀衣物唐書藝文志張華博物志十卷高彥休闕史虛子逸史各三卷宋史藝文志蒲仁裕蜀廣政雜記十五卷司馬光遊山行記十二卷虞嘉古今鼎錄一卷蘇轍龍川志六卷李冰治水記一卷皆紀山川物產政俗金石之書而悉錄在小說家綜斯以觀知蒙叟所謂小說蓋行人職方之所掌此卽後世方志之類明其不同于春秋非傳會傳奇之小說也蓋殷周之際衆建諸侯以世其地王朝設史官以記成敗諸侯亦莫不有史官以記偏國行事故墨子得見百國春秋自秦漢而降變封建爲郡縣郡縣之有志猶侯國之有史其來尙矣而專載一類者有南





陝縣志

序言

●二二八

芳草木南州異物志以辨物產洛陽伽藍荆楚歲時記以道風俗陳留耆舊汝南先賢傳以紀人物元和郡縣志以考地理合之以爲方志此不得以春秋國語比輓世

休寧戴震論修志詳于地理沿革而不重文獻會稽章學誠非之以爲不解史法學誠作志書輒上擬遼固章炳麟非之以爲不知類然自學誠而方志之體始尊蓋學誠遠于史學生無纂史之機乃藉手方志以發揮其史才要之縣邑志乘固不能上比春秋然爲國史之要刪故爲方志者以明于史例爲貴陝縣地介穀函管轡秦豫北枕大河南岸幹山宏農古郡山川之形勢如故甘棠舊治風俗之醇樸猶昔蓋中州名邦誠有足以記載者而舊日志書諸多散佚據朱士嘉方志綜錄所載凡五書皆清時纂修明以前無傳焉而陝縣現存者僅龔趙二志及黃瓊續志間尙殘闕不完趙黃書成于光緒十八年去今數十年地方屢經劇烈之事變迄闕焉不載荀卿曰文久而滅節奏久而絕故五帝之外無傳人非無賢人也久故也五帝之中無傳政非無善政也久故也况一方文獻易于湮沒久闕無紀將有失徵之歎民國十七年余長縣教育局時曾擬續輯以困于資不果行越七年歐陽紫亭縣長蒞陝之二年令行禁止庶政咸舉卽商之地方耆艾籌資開館從事于此余以寡昧被任編纂幸同館有閩鄉韓君合卿邑人王君夢魚辛君君實張君益齋

分任其事相與研討蓋修志有二法一爲上下參校通體改纂一爲因仍前書按類續輯二法相衡後難于前無如晚成之趙志體例尤雜譌舛數見又復次第倒置文欠雅馴同人再四商榷不得不舍易從難自古代以逮爰茲重者刪之闕者補之正其體例整其次第凡十有一月歲事爲門二十有二卷二十有六其每門考訂之失得編纂之義例則各以小序述之蓋斯役之成比之前書微有討論修飾之功然限于時間仍不免外略之弊以俟後之踵其事者證補焉中華民國癸兆困敦之歲閏逢敦祥之月邑人郭樹椿

陝縣志

叙

孔子曰夏禮吾能言之杞不足徵也殷禮吾能言之宋不足徵也文獻不足故也陝自魏仲建國周召分治政教文化已見史策迄于明季二千七百餘年而州郡無志乘有清迄今近三百年歷修州志凡五種據朱士嘉方志綜錄此五種者海內外尙存藏二十五部而今次修志蒐輯舊本僅龔趙二種收藏者殊寥寥吳本自北平鈔回黃本殘闕周本已不復見板均毀則陝縣故籍之失存其數量幾於絕跡豈止文獻不足而已說吁甚矣德歐陽專員蒞任於陝民創痍之餘綏定社會撫輯羣黎百廢並舉之後復竟此興滅繼絕之功陝縣志由是出現於世前無古人後開來者其偉大爲何如其嘉惠于吾陝爲何如陝人士之慶幸更何如顧其體例各序已詳設言之矣要之以文見義亦陝縣三千年得失之林也茲依事實之所昭示略述管見如左陝地理據穀函之固當秦豫之衝每中原有事首先被兵而匪嚮歲荒亦相因而至人民之困蘇政教之良否端在官吏光武救馮異曰元元塗炭無所依訴要在平定安集之耳又曰卿本能御吏念自修教無爲郡縣所苦異所至布威信卒盡降弘農羣盜此種政治觀念夙爲吾陝民族所信仰而如李自成

張獻忠之恐怖殺戮則深懼而痛絕民國以來昌言法治與自治突然徒法不能以自行自治時有以自擾政治制度之確立法治習慣之養成許先有領袖官吏爲之表率詩曰樂只君子民之父母此澈底同胞互愛之遺言吾人不妨正式揭出爲吏治之箴以明職守而維法紀勢之來之匡之直之輔之翼之使自得之憂民之道也思患預防鞠躬盡瘁憂國之道也故常則如盧奧范祖禹變則如李彥仙史記言國之利民之福名宦之祀甘棠之詠寧有涯涘此第一意義也陝人文漢唐宋明清代有蔚起降及近世量似增而實則銷沉推其原因多受環境支配蓋由於政治教育者半由於產業經濟者半事實如此無如何也然天下之善士一國之善士與一鄉之善士僅範圍大小之不同要其息息相關資爲成人有裨於國家社會也則一正如陽明喻金教人鑑之多寡雖殊要其成爲精金則一也姚文貞公尙矣功業如張九功趙完璧亦可忠烈如宋炎可崔儒秀曹三祝辛鼎甲亦可學術如王以悟可凡煥動張諸之甯元善亦可操行如張象魏野可習潤張壽均無不可志士仁人孝子慈孫賢婦烈女志不絕書任俠好義亦時有總之不離乎成人爲善者近是故奔逸絕塵原爲吾人之所冀而徬徨歧途實爲學子之大禁必如何而使人人有士君子之行成爲美善相樂之社會此第二意義也陝面積七千二百四十方里



陝縣志

卷首

二二九

凡所以爲此啓者之言邦之人士多有同感不揣冒昧藉縣志之成擇要敘出庶於書中所謂得失者比較有一概念以便商兌而資警惕焉十載而還陝迭遭喪亂救死不贖遑論其他幸蒙歐專員勵精圖治三年政教建設之偉績直邁前二世紀此非諛言也事實使人昭昭也而今後施政方針更向上所述諸意義者突飛而猛進陝民族復興之機繫於此矣猶復創爲志乘文獻永垂使人昭昭於不敝記曰爲政在人語曰人能弘道余希歐公新政之日進不已而有以繼其後也故述往事思來者民國二十五年除夕辛炳華敘于開封

而十八萬八千有奇之衆民何自來乎陝於崇禎之饑饉賊之亂休養生息而後復經髮捻之亂光緒之饑饉子餘無幾之遺民遺族也時代演進矣據最近土地陳報將實行之科則土田總額爲八十二萬一千五百畝歲納賦稅總額爲一十九萬二千七百元以上以每方里二十六人之密度每日計田不足五畝每人平均須負一元以上之義務陝民得於天者不厚故步日絀風俗日偷生計日艱消費日增微論匪劫歲歉產量銳減而際此此外患侵略國難未已吾陝爲國家之一員食毛踐土國民應負國防之責任義又無所逃避則凡所以利用科學方法謀農業生產之改進充實自衛以自力更生者烏可不亟亟耶太史公云此豈待政教徵發期會哉此第三意義也維此三義用結三言道之以政厚之以生豫之以學而已矣抑吾陝學風鄉先輩大抵尚理學重實踐或宗陸王或崇程朱而尊孔孟事修養也則同樣學少有問津者甚且排拒之次則務制藝爲文章此外不復知有所謂學科舉廢學校興遊學者少一二卓然有成率從政他邦地方學子莘莘時感新舊過渡青黃不接之苦悶夫學術思想之蔽於見聞如此經濟業力之薄於應給又如彼其所孕育蓋可知矣司政教者當努力解放與改造不惟國學應具常識即科學思想與技術尤宜爲大量之輸入與學習知識程度始有展望此又應有之一義也 末學無似

陝縣志

籌備委員會職員表

職別	姓名	別號	年齡	籍貫	簡歷	歷備
主任委員	歐陽珍	雲亭	四四	江蘇都昌	保定軍官學校二期畢業現任河南第十一區行政督察專員	
委員	袁亞市	亞市	四一	江西分宜	東京大學法科畢業現任河南第十一區行政督察專員公署秘書	
委員	王樂豐	慈魚	三九	河南陝縣	河南省立第二師畢業現任陝縣教育局長	
委員	張以謙	益齋	四一	陝縣	陝縣師範講習所畢業現任陝縣教育局文書教育	
委員	曲完善	松初	三一	陝縣	曾任陝縣縣立中學教務處主任現任陝縣商會主席	
委員	盛際孝	梯先	二八	陝縣	曾任陝縣縣立中學教務處主任現任陝縣商會主席	
委員	麻安邦	慰若	四一	江西吉安	江西法政專門學校法律本科畢業現任河南第十一區行政督察專員公署第二科科長	
委員	張克功	德生	三〇	河南陝縣	曾任陝縣縣立中學教務處主任現任陝縣商會主席	
委員	李寶豐	維三	三〇	陝縣	曾任陝縣縣立中學教務處主任現任陝縣商會主席	


委員	姓名	別號	年齡	籍貫	簡歷	歷備
委員	田雨公	潤青	三三	陝縣	河南省立第九中學及河南第十一區行政督察專員公署附設師範政研會畢業現任陝縣第六區區長	
委員	張銘	祖渠	二九	江蘇無錫	上海法政專門學校政治經濟學士現任河南第十一區行政督察專員公署第四科科長	
委員	蘇樹棠	東初	三五	陝縣	曾任第四區區長及陝縣清鄉處主任現任陝縣商會主席	
委員	張守梅	子和	五一	陝縣	曾任陝縣縣立中學教務處主任現任陝縣商會主席	
委員	張鶴	錫九	三七	陝縣	曾任陝縣縣立中學教務處主任現任陝縣商會主席	
委員	王雲亭	雲亭	五〇	陝縣	曾任陝縣縣立中學教務處主任現任陝縣商會主席	
委員	段篤仁	靜德	二四	陝縣	曾任陝縣縣立中學教務處主任現任陝縣商會主席	
委員	韓錫津	魯存	三二	陝縣	陝縣高等小學畢業現任第七區區長及第一區區長	
委員	張世傑	俊夫	三五	陝縣	河南省立第四師畢業現任陝縣商會主席	
委員	李雪峯	瑞亭	三三	陝縣	軍官教育團畢業現任陝縣第八區區長	
委員	孫岐	岐山	二九	陝縣	曾任陝縣縣立中學教務處主任現任陝縣商會主席	



陝縣志

卷首

日九月七年五十二 影台員職體全局志縣登會員委備籌志縣縣陝



專城出重 分陝出雄 亦既利物
内存匪躬 斯為國強 不墜家風
題富吳聯事贊藉誌
歐陽專員政績
辛炳華題

陝縣志

縣志局職員表

職別	姓名	別號	年齡	籍貫	簡歷	歷考
總編輯	歐陽珍	紫亭	四四	江西都昌	保定軍官學校二期畢業現任河南第十一區行政督察委員	
局長	張以謙	益齋	四一	陝縣	陝縣師範講習所畢業曾任食戶捐局文牘陳縣教育局長現任陝縣財務委員會委員	
副局長	麻安邦	恩若	四一	江西吉安	江西行政專門學校法律本科畢業現任河南第十行政督察專員公署第二科科長兼陝縣縣政科科長	
總編輯	韓嘉會	合聯	六三	閩縣	前清丁酉科拔貢河南第一屆省議會議員歷任閩縣學務所長財務局長	
第一組主任	王樂豐	夢魚	三九	陝縣	河南省立第三師範學校畢業曾任本縣縣立學師範學校校長財務委員會委員現任陝縣教育局局長	
第二組主任	郭樹梅	雲樵	四二	陝縣	省立第四師範畢業曾任陝縣師範教員教育局長	
第三組主任	辛炳華	君實	四〇	陝縣	省立第四師範第九中學畢業曾任陝縣自治籌備員縣小中學師範在英等學校教員師範學校校長	
名譽編輯	曲完善	性初	三一	陝縣	曾任陝縣縣黨部常務委員服務分會主席財務委員會委員長民衆教育館長現任商會主席	
名譽編輯	史協邦	和民	六〇	陝縣	前縣志館館長	

探訪員	楊如梓	楊耀坤	兀端甫	陳明理	李中堂	李景白	薛含英	白應午	王炳耀	姚樹智	張均	孫虞臣
別號		元甫	用之	子哲	迷青	季芳	季芳	中甫	文軒	子哲	子高	
年齡		四八	五九	三五	四五	四二	五九	五八	七〇	二九	五九	三六
籍貫	陝縣	陝縣	陝縣	陝縣	陝縣	陝縣	陝縣	陝縣	陝縣	陝縣	陝縣	陝縣
簡歷	清附生	河南法政專門學校畢業曾任充財政廳官廳駐辦豫湯汝邱鹿邑柘城等四縣官廳委員本縣財務局正務主任	清附生	曾任陝縣黨部執行委員及三區教育委員	曾任陝縣第四區教育委員	陝縣師範學校畢業第五區師範學校校長	清附生初級師範畢業曾任勸學所長及中學教員	陝縣師範講習所畢業曾任完全小學教員	清附生曾任第八區保衛團團長及區長等職	河南省立河南大學肄業現任陝縣縣政府統計員	曾任本縣巡警隊長代理本縣縣長	河南省立第九中學畢業曾任大陽渡觀音堂監金局局長

青 記			
王知卿	楊得兆	趙昭儀	張炳照
子楨	鳳軒		
三五	二四		二二
陝 縣	陝 縣	陝 縣	陝 縣
	縣立師範畢業	縣立師範畢業	縣中學畢業

陝縣志

凡例

修志有兩法舊志之完善者因仍體例但纂續編較爲省事如近世江寧續志是也若全部改撰別出新裁其難不啻倍蓰查陝舊志有三吳志簡明襲志周詳而趙志不免複雜須加以整頓且國體既更專制時代之科條亦不合於世用故另起爐竈全行改編此次規定卷目大致依河南通志館所頒草案而特列大事紀於前提挈綱要末附文徵掌故叢載各門則取法章實齋余樞園諸人之議論而變通出之採本地之材料而配合以成篇

天文雖曠遠難稽而節氣晷度乃授時之要政况陝爲專員所駐各縣共向固不得而略也故次揭於端

輿地建置入手卽宜調各爲方志之通則故列於天文之次既有土地而所以居治之者全賴乎民人故族姓民政次之何以聚人曰財近世講民生主義莫急於財用故次之以財政民之利用在財而心理必有所祈禱與培植之以成其才者故次之以祠祀教育



陝縣志

卷首

陝縣志

目錄

- 卷一 大事紀
- 卷二 天文
- 卷三 輿地
- 卷四 建置
- 卷五 族姓
- 卷六 民政
- 卷七 財政
- 卷八 祠祀
- 卷九 教育
- 卷十 司法
- 卷十一 武備
- 卷十二 交通

勸善之道備矣而民或不率與夫外患之來當有以禦之故次之以司法武備現在五洲大同既不能閉關亦非服田便可自立故次之以交通實業

地方治否存乎官師陝於歷史爲宏農大郡蒞職者尤夥普通列以職官表其特著成績者則提人名宦爲之作傳褒其既往所以勵將來也

本地之賢俊登科目而入仕籍者概列於選舉表其有行誼可錄者則歸諸人物力求充實使爲善者勸焉

時值女校林立風氣開通茲編列女分節孝義烈賢淑三者所以維持舊禮教也古蹟追討既往博徵載籍藝文專採著作爲文獻最重要者故次人物而及之金石所以考古必擇其有價值者加評議焉

文徵詩徵皆取其辭雅馴與地方政治有關係者若徒矜麗藻雖美弗錄

已往之典章雖不適於時用而不可遺忘故特立掌故一門其他非關重要而難從割愛者則全收入叢載

以上分門別類粗具梗概而迫於時間限於方隅未能盡量搜括從長經營於心殊欠愜當終之以叙錄歷述前志源流及修志始末尙希 高明有道者正之



陝縣志

卷一

二二二

卷十三	實業
卷十四	職官表
卷十五	名宦
卷十六	選舉表
卷十七	人物
卷十八	列女
卷十九	古蹟
卷二十	藝文
卷二十一	金石
卷二十二	文徵
卷二十三	詩徵
卷二十四	掌故
卷二十五	叢載
卷二十六	叙錄

陝縣志卷一

大事記

按近世章實齋謂正史本紀效法春秋記載大事所以爲全書之經歷來方志家狃於地理類書之例不措意於一地方之大事遂使全書記載散漫無所統系其有乖於史裁茲仿其意採取歷代史鑑與陝有關係者及比年兵荒匪亂之實迹彙爲一編而以後各目若網在綱於以考政治而察得失亦便於觀覽焉

歐陽珍編次

夏禹導河東至於砥柱孔安國曰砥柱山名河分注包山而過山見水中若柱然在西號之界
周武王十有三年封虢仲於西虢封神農之後於焦地理志弘農縣有焦城故焦國也
成王時周公召公分陝而治陝以東周公治之陝以西召公治之
惠王四年春虢公鄭伯晉命於弭夏同伐王城鄭伯將王自圍門入虢叔自北門入殺
王子頹及五大夫五月鄭厲公卒王巡虢守虢公爲王宮於玆虢王與之酒泉
器王與之爵器酒
冬王歸自虢左傳莊公二十一年
十年晉侯將伐虢十焉曰不可虢公驕若驕得勝於我必棄其民無衆而後伐之欲禦我

誰與夫禮樂慈愛戰所畜也夫民讓事樂和愛親哀喪而後可用也虢弗畜也極戰將饑

莊公二十七年

十五年秋七月有神降於莘惠王問諸內史過曰是何故也對曰國之將興明神降之監其德也將亡神又降之觀其惡也故有得神以興亦有以亡虞夏商周皆有之王曰若之何對曰以其物享焉其至之日亦其物也王從之內史過往聞虢請命反曰虢必亡矣虢而聽於神神居莘六月虢公使祝應宗區史嚚享焉神賜之土田史嚚曰虢其亡乎吾聞之國將興聽於民將亡聽於神神聰明正直而壹者也依人而行就多涼德其何土之能得莊公二十七年

十有九年夏晉里克荀息帥師會虞師滅夏陽元公號公敗戎於桑田晉卜偃曰虢必亡

矣亡夏陽不懼而又有功是天奪之鑑而益其疾也必易晉而不撫其民矣不可以五稔穀梁傳非國而言滅重夏陽也虞無師其曰師何也以其先晉不可以不言師也其先晉何也爲主乎滅夏陽也夏陽者虞之塞邑也滅夏陽而虞就舉矣虞之爲主乎滅夏陽何也晉獻公欲伐虢荀息曰君何不以屈產之乘垂棘之璧而借道乎虞也公曰此晉國之寶也如受吾幣而不借吾道則如之何荀息曰此小國之所以事大國也彼不借吾道

必不敢受吾幣如受吾幣而借吾道則是吾取之中府而藏之外府取之中府而置之外廢也公曰宮之奇存焉必不使受之也荀息曰宮之奇之爲人也達心而懦又少長於君達心則其言略懦則不能強諫少長於君則君輕之且夫玩好在耳目之前而患在一國之後此中知以上乃能慮之臣料虞君中知以下也公遂借道而伐虢宮之奇諫曰晉國之使者其辭卑而幣重必不使於虞虞公勿聽遂受其幣而借之道宮之奇諫曰語曰唇亡則齒寒其斯之謂與挈其妻子以奔曹獻公亡虢五年而後舉虞荀息牽馬操璧而前曰璧則猶是也而馬齒加長矣

二十有二年冬十二月丙子朔晉滅虢號公醜奔京師五年公

製志按虞虢之虞乃秦伯仲雍之後是時周章已君吳復封周章弟於周之北故夏墟其地在河東太陽縣今爲山西平陸縣後漢地理志太陽有吳山上有虞城亦曰吳城正義曰處中國爲西吳後世謂之虞公是吳與虞通也晉獻公之時就在陝縣晉欲伐虢道出太陽故來假道卒以滅虞史記謂之州北虞公是也

虢仲虢叔爲文王卿士勳在王室文王友愛二弟謂之二虢武王十三年封虢仲於故夏之墟宏農陝縣東南之虢城是爲西虢封虢叔於榮陽是爲東虢東虢檜爲鄭桓公

所滅在幽王之世入春秋則已無東虢矣左傳虢叔死焉此東虢也王武於虢此西虢也孔穎達正義云春秋列國邾有小邾燕有南燕而虢直名之爲虢者於時東虢已滅故不復別之爲西也今汜水縣東十里有東虢城以東虢爲鄭滅時尚有西虢故別之爲東陝州靈寶縣治南有虢州城以虢爲鄭滅時止有一虢故不復別之爲西亦猶春秋之稱虢也

襄王二十有五年夏四月晉人及姜戎敗秦師於殽

二十有八年秦秦伯伐晉濟河焚舟取王官及郊晉人不出遂自茅津濟封穀尸而還

威烈王十三年晉河岸崩壅龍門至於砥柱河患見於史記曰春秋後

安王三年虢山崩壅河號北魏地理志曰弘農縣故

顯王四十五年秦張儀伐魏取陝

慎釐王三年楚趙燕韓魏伐秦攻函谷關秦出兵迎之五國皆敗走

報王十七年齊韓魏伐秦敗其軍於函谷秦割河東三城以和三國乃還

秦莊襄王三年秦伐魏魏公子無忌率五國之師敗之追至函谷而還

二世二年冬陳涉所遺周章等將西至咸陽咸陽郡西也秦章邯擊破周章軍而走遂殺章

於曹陽曹陽在弘農東十

漢高帝二年正月漢王出關至陝撫關外父老還

孝武元光中河決河東守番番言漕從山東西歲百餘萬石更砥柱之艱敗亡甚多而煩

費穿渠引汾溉皮氏汾陰下引河溉蒲坂下度可得五千頃故盡河壅棄地民菱牧其中

耳今溉田之度可得殺二百萬石以上殺從渭上與關中無異而砥柱之東可毋復漕上

以爲然

成帝鴻嘉四年楊焉言從河上下患砥柱隘可鑄廣之上從其言使焉鑄之裁沒水中不

能去而令水益湍怒爲害甚於故

更始三年六月赤眉至恆農與更始諸將連戰克勝衆遂大集

光武建武二年二月遣驃騎大將軍景丹率征虜將軍祭遵等二將軍擊弘農賊破之

赤眉延岑暴亂三輔郡縣大姓各擁兵衆大司徒鄧禹不能定乃遣馮異代禹討之車駕

送至河南賜以乘輿七尺具劍敕異曰三輔遭王莽更始之亂重以赤眉延岑之酷元元

塗炭無所依訴今之征伐非必略地屠城要在平定安集之耳諸將非不健闘然好虜掠

卿本能御吏士念自修敕無爲郡縣所苦異頓首受命引而西所至皆布威信弘農羣盜

稱將軍者十餘輩皆率衆降異

鄧禹引歸與馮異相遇要異共攻赤眉大爲所敗禹脫歸宜陽異乘馬步走上回轅阪與

麾下數人歸營後壁收散卒萬人與賊約期會戰旦日縱兵大戰日昃賊衆驚潰大破

於崤底帝遣書勞曰始雖垂迴同歸終能奮靈灑池可謂失之東隅收之桑榆詳見古略

二十九年宏農蝗 靈帝熹平四年六月宏農螟

獻帝興平二年二月乙亥李傕殺樊稠而與郭汜相攻三月丙寅李傕脅帝幸其營樊宮

室四月丁酉郭汜攻李傕矢及御前六月庚午張濟自陝來和權汜七月甲子車駕東歸

郭汜自爲車騎將軍楊定爲後將軍楊奉爲興義將軍董承爲安集將軍並待送乘輿張

濟爲驃騎將軍還屯陝八月甲辰幸新豐十月戊戌郭汜使其將伍習夜燒所幸舍逼

脅乘輿楊定楊奉與郭汜戰破之壬寅幸華陰露次道南是夜有赤氣貫紫宮張濟復反

與李傕郭汜合十一月李傕郭汜等追乘輿戰於東渭王師敗績殺光祿勳鄧泉衛尉士

孫瑞廷尉宣播獻帝春秋大長秋苗昶步兵校尉魏祭侍中朱展射聲校尉沮儁壬申幸

曹陽露次田中曹陽在弘農今在弘農西楊奉董承引白波帥胡才李樂韓遂及匈奴左賢

王去舉率師奉迎與李傕等戰破之十二月庚辰車駕乃進李傕等復來追戰王師大敗

殺略宮人少府田芬大司農張義等皆戰歿進幸陝夜渡河乙亥幸安邑

獻帝記曰初議者欲令天子浮河東下太尉楊彪曰臣宏農人從此已東有三十六灘非

萬乘所當從也劉艾曰臣前爲陝令知其危險有帥猶有傾覆況今無師太尉謀是也乃

止及當北渡使李樂具船天子步行趨河岸岸高不得下董承等謀欲以馬羈相續以繫

帝腰時中宮僕伏德扶中宮一手持十四絹乃取德絹連續爲簾行軍校尉尙宏多力令

宏居前負帝乃得下登船其餘不得渡者甚衆復遣船收諸不得渡者皆爭攀船船上人

以刀櫟斷其指舟中之指可掬

按獻帝步行趨河岸岸高不得下疑在今會興鎮上村間之崖下渡口

晉武帝太始十年黎陝南山決河東注洛以通運漕

咸寧五年三月有星孛於柳占曰外臣陵王征吳之役三河兵悉出交戰於吳楚斬馘萬

計八月庚子河南河東宏農雨雹兼傷秋稼三豆

太康元年四月河南河內河東魏郡宏農雨雹傷麥豆

二年五月庚寅宏農雨雹傷禾稼

惠帝永平三年六月宏農雨雹深三尺





陝縣志

卷一

二三四

懷帝永嘉二年漢劉聰等長驅至宜陽聰特連勝不設備宏農太守桓延詐降夜襲聰軍大敗而還

成帝咸康四年四月己巳太白晝見於柳

哀帝興寧三年慕容皝遣其太宰慕容恪攻拔洛陽略地至於崤澠苻堅懼其入關親屯陝城以備之

孝武寧康十二年六月癸卯太白晝見在柳十四年己巳太白晝見於柳占將政事多弊君道陵遲

太元十九年姚興率衆寇湖城晉宏農太守陶仲山華山太守董邁皆降於興遂如陝城進寇上洛陷之

北元魏世祖太延元年詔書云嘉禾頻歲合秀於恒農

宋文帝元嘉二十七年冬閏月辛未雍州刺史隨王誕遣軍攻宏農城克之十一月甲午又攻陝城克之

世宗景明三年六月恒農郡獻白雀
正始元年恒農郡崤縣水連理

四年八月恒農郡蝗蟲爲災

永平二年薛安都寇宏農冠軍將軍封禮率騎二千從涇津南渡赴宏農

肅宗熙平元年春正月荆沔都督元志大破蕭衍軍斬其恒農太守王世定等

通鑑梁武帝大通二年夏四月魏北海王元顥來奔冬十月帝以元顥爲魏王遣直閣將軍陳慶之將兵送之還北中大通三年五月顥入洛陽自河以南州郡多附之爾朱榮與

顥相持於河上榮以無船可渡欲還北更圖後舉黃門郎楊侃曰今未有所成遽復引歸恐人情失望各懷去就不若徵發民材多爲桴筏間以舟楫使數百里中皆爲渡勢首尾

既遠俾顥不知所防一旦得渡必立大功高道穆曰今乘輿飄蕩主憂臣辱大王擁百萬之衆若分兵造筏所在散渡指掌可克若舍之北歸使顥復得完聚徵兵天下所謂養虺

成蛇悔無及矣時伏波將軍楊綱與其族居馬渚自言有小船數艘求爲鄉導榮命車騎將軍爾朱兆大都督賀拔勝縛材爲筏自馬渚西峽石夜渡襲擊顥子冠受擒之安豐王

延明之衆聞之大潰顥帥數百騎南走至臨潁縣卒江豐斬之慶之軍士死散略盡間行還建康

按馬渚當在山西平陸縣東山內西峽石當在峽石之西砥柱之東如北山東莊諸村

落皆有小船私渡元顥以爲河道險阻失於防守故爾朱兆等潛師渡河襲破其軍兵法所謂出其不意攻其不備也

東魏孝靜帝天平四年二月神武以并肆汾建晉東雍南汾秦陝九州霜旱人饑流散請所在開倉賑給

興和二年夏五月己酉西魏行臺宮延和陝州刺史宮元慶率戶內屬置之河北馬場振廩各有差

武定元年三月勃海王高歡大敗西魏師於邙山追奔至宏農而還豫洛二州平

西魏文帝大統十六年秋七月安定公宇文泰東伐至恒農齊師不出乃還八月丁丑宇文泰率李弼等十二將東伐至潼關遣子謹先徇地至盤豆拔之獲東魏將高叔禮送於

長安戊子至宏農攻之城潰禽東魏陝州刺史李徽伯虜其戰十八千守將高千走渡河命賀拔勝追禽之並送長安於是宜陽邵郡皆附 大軍至宏農守將皆已棄城西走所

虜降卒在宏農者因相與閉門拒守進攻拔之誅其魁首數百人齊周

齊宣帝天保元年十一月周文帝帥師至陝城分騎北渡至建州景寅齊主親戎出次東城周文帝見軍容嚴盛嘆曰高歡不死矣遂班師

周明帝二年宏農置陝州
武帝保定元年宏農上言九尾狐見

隋文帝開皇三年詔於陝虢等水次十三州置募運米丁又於陝州置常平倉

開皇三年遣倉部侍郎章瓚向蒲陝以東募人能於洛陽運米四十石經砥柱之險達於

常平者免其征戍其後以渭水多沙流有深淺漕者苦之四年詔曰京邑所居五方輻湊重關四塞水流艱難大河之流波瀾東注百川海濱萬里交通雖三門之下或有危慮若

發自小平陸運至陝還從河水入於渭川兼及上流控引汾晉舟車去來爲益殊廣而渭

川水力大小無常流淺沙深即成阻計其途路數百而已動移氣序不能往復汎舟之

役人亦勞止朕君臨區寓興利除害公私之弊情實感之故東發潼關西引渭水因藉人

力開通漕渠量事程功易可成就已令工匠巡歷渠道觀地理之宜審終久之義一得開

鑿萬代無毀可使官及私家方舟巨舫晨昏漕運沿流不停旬日之功堪省億萬誠知時

常炎暑動致疲勩不有暫勞安能永逸宜告人庶知朕意焉於是命宇文愷率水工鑿渠

引渭水自大興城東至潼關三百餘里名曰廣通渠轉運通利關內賴之諸州水旱凶饑

之處亦便開倉賑給

十五年六月戊子詔擊砥柱

煬帝大業七年冬十月乙卯砥柱山崩偃河逆流數十里占爲隋亡

恭帝義寧二年唐劉文靜取宏農

唐太宗貞觀十二年二月癸亥如河北縣即平觀砥柱乙丑至陝州

十四年二月陝州河清

中宗景龍元年六月庚午雨土於陝州

明皇開元四年陝州大風拔木

天寶元年穿三門運渠

十四載十二月以榮王琬爲元帥高仙芝副之統諸軍東征仙芝以五萬人發京師遣宦者邊令誠監其軍屯於陝

肅宗至德二載七月丁巳安慶緒將安武臣陷陝郡九月癸卯復京師慶緒奔於陝郡廣平王領番漢之衆收西京走安守忠賊之死者積如山阜王師乘勝至陝郡賊懼令嚴莊傾其驍勇而來拒廣平王遣副元帥郭子儀等與賊戰於陝西之曲沃大破之斬首十餘萬嚴莊奔十月戊申郭子儀等進攻與賊戰於陝之新店城西二十里賊衆大敗斬

首十萬級橫屍三十里庚申安慶緒與其黨奔河南廣平王入陝城

乾元二年十二月史思明寇陝州神策兵馬使衛伯玉討破之

上元二年三月甲子史思明子朝義率衆夜襲陝州衛伯玉逆擊破之於在東園子儀今在耀州朝義數進兵皆爲陝兵所敗史思明退屯永寧朝義宿於逆旅設調水北有逆旅亭謂之漫谷客舍寶應元年上遣中使劉清譚使回紇修舊好且徵兵討史朝義回紇登里可汗起兵至三

城見州縣皆爲邱墟有輕唐之志乃因辱清譚遣使言狀京師大駭初肅宗以僕固懷恩女妻登里上令懷恩往見之爲言唐家恩信不可負可汗悅自陝州太陽津渡河與諸道俱進制以雍王适爲天下兵馬元帥會諸道節度及回紇於陝州進討史朝義上欲以郭子儀爲副程元振魚朝恩等沮之而止加僕固懷恩同平章事領諸軍節度行營以副諸軍發陝州僕固懷恩與回紇爲前鋒郭英又魚朝恩爲殿李抱玉自河陽入李

光弼自陳留入會於洛陽陳於橫水懷恩遣驍將及回紇並南山出賊棚東北表裏合擊大破之

代宗廣德元年十月庚午高暉引吐蕃犯京畿丙子車駕幸陝州十二月丁亥車駕發陝郡還京

大曆元年十二月周智光殺陝州監軍張志斌

十年二月陝州軍亂李忠臣入朝過陝上命按庫物觀察使李國請不能制會淮西一節度給其從軍

七月庚辰太白辰星合於柳

德宗貞元元年秋七月陝虢軍殺其節度使張勣詔以李泌爲都防禦轉運使

二年三月李泌開運道成泌自集津至三門擊山開運道十八里以避砥柱之險

三年正月淮西戍兵自鄆州歸過陝李泌邀擊斬之

先是關中倉庫竭禁軍或自脫巾呼於道曰拘吾於軍而不給糧罪人也上憂之甚會韓滉運米三萬斛至陝李泌奏之上喜謂太子曰吾父子得生矣

唐都長安常轉漕東南之粟初江淮漕租米至東都輸故嘉倉以車或駝陸運至陝而水行來遠多風波覆溺之患其失常十七八故其率一斛得八斗爲成勞而陸運至陝纔三百里率兩斛計庸錢千民送租者皆有水流之直而河有三門砥柱之險顯慶元年苑西監褚則議鑿三門山爲梁可通陸運乃發六千鑿之功不成其後將作大匠楊務廉又鑿爲棧以輓漕舟輓大繫二鉅於胸而繩多絕輓夫輒墜死則以逃亡報因繫其父母妻子

人以爲苦開元十八年宣州刺史裴耀卿朝集京師玄宗訪以漕事耀卿條上便宜常初

不省二十一年耀卿爲京兆尹京師雨水穀踊貴帝將幸東都復問耀卿漕事耀卿因請罷陸運而置倉河口使江南漕舟至河口者輸粟於倉而去縣官雇舟以分入河洛置倉三門東西漕舟輸其東倉而陸運以入西倉復以舟漕以避三門之水險置倉以爲然乃於河陰置河陰倉河西置柏崖倉三門東置集津倉西置鹽倉鑿山十八里以陸運自江淮

漕者皆輸河陰倉自河陰西至太原倉謂之北運自太原倉浮渭以實關中拜耀卿爲黃門侍郎同中書門下平章事兼江淮都轉運使以鄭州刺史崔希逸河南少尹蕭昇爲副使益漕皆緣魏濮那貝濟博之租輸諸倉轉而入渭凡三歲漕七百萬石省陸運備錢三十萬緡二十九年陝郡太守李齊物鑿砥柱爲門以通漕開其山巔爲輓路燒石沃醢而

鑿之然棄石入河激水益湍怒舟不能入新門候其水漲以人輓舟而上天子疑之遣宦者按視齊物厚賂使者還言便齊物入爲鴻臚卿以長安令章瓘代之兼水陸運使堅治

漢隋運渠起關門抵長安通山東租賦乃絕灇澁並渭而東至永豐倉與渭合又於長樂坡瀕苑牆鑿潭於望春樓下以聚漕舟堅因使諸舟各揭其郡名陳其土地所產貨諸奇物於楹上先時民間唱怨歌曰得體乾那邪其後得實符於桃林於是陝縣尉崔成甫